

老子道德經古本集註上 宜齋邝氏

前王隆萬壽寧教南岳壽寧觀長講果山范應元集註直解

道可道章第一

常久之道自然万物得之以生而

不知老氏應經垂世立教始與標

名故以道可爲首爲首

道可道非常道

道者自然之理万物之所由也

老子道德經古本集註

可道者謂

可言也常者久也道一而已有體用焉未

宋 范應元 撰
黃曙輝 點校

老子道德經古本集註

華東師範大學出版社

圖書在版編目(CIP)數據

老子道德經古本集註 / (南宋) 范應元著. —上海
: 華東師範大學出版社, 2010. 2
(歷代文史要籍注釋選刊)
ISBN 978-7-5617-7583-7

I. ①老… II. ①范… III. ①道家②老子-注釋
IV. ①B223. 12

中國版本圖書館 CIP 數據核字 (2010) 第030722號

老子道德經古本集註

著 者 范應元
點 校 者 黃曙輝
策劃編輯 王 焰
項目編輯 陳慶生
裝幀設計 勞 韜

出版發行 華東師範大學出版社
社 址 上海市中山北路3663號 郵編 200062
電話總機 021-62450163轉各部門 行政傳真 021-62572105
客服電話 021-62865537 (兼傳真)
門市(郵購)電話 021-62869887
門市地址 上海市中山北路3663號華東師範大學校內先鋒路口
網 址 www.ecnupress.com.cn

印 刷 者 杭州富陽永昌印刷有限公司
開 本 850×1168 32開
印 張 4. 75
字 數 70千字
版 次 2010年3月第1版
印 次 2010年3月第1次
印 數 4000
書 號 ISBN 978-7-5617-7583-7/B·540
定 價 15. 00元

出 版 人 朱傑人

(如發現本版圖書有印訂品質問題, 請寄回本社市場部調換或電話021-62865537聯繫)

整理弁言

《老子古本道德經集註》二卷，宋范應元撰。今存宋刻本，題「前玉隆萬壽宮掌教南岳壽寧規長講果山范應元集註直解」，半頁十行，每行十七字，注大字低一格，白口，左右雙闌。卷中采各家注，凡人姓名皆陰文。卷末有應元後序。疊經陳汝言、盛昱、傅增湘收藏，今歸國家圖書館。

應元生平未詳，據卷首題銜，知爲黃冠。杭州道士褚伯秀著《南華真經義海纂微》，後跋有「淳祐丙午歲^{六年}，幸遇西蜀無隱范先生遊京，獲侍講席幾二載」語，又云：「師諱應元，字善甫，蜀之順慶人。學通內外，識究天人。靜重端方，動必中禮。經所謂『不言而飲人以和，與人並立而使人化』者是也。江湖宿德，稔知其人，不復贅述。」^{焦竑《莊子翼》卷首《采摭書目》有《范無隱講語》，下注云：「應元字善甫，蜀順慶人。」}則應元在當時聲名籍甚。於《老子》《莊子》均有訓釋，今《莊子》註已不傳，賴《南華真經義海纂微》與《莊子翼》所引，略存十一於千百，而《老子》註則《道德經古本集註》具

在，尚可窺其造詣。

《古本集註》與通行本《老子》文字多有異同，如二十五章「道大，天大，地大，王亦大。域中有四大，而王處一焉」，《古本集註》作「道大，天大，地大，人亦大。域中有四大，而人居其一焉」。又六十章「治大國如烹小鮮」，《古本集註》作「小鱗」，注：「小鱗者，小魚也。」如此類者，不僅足資思適，亦關義理。傅增湘謂「傳世《道德經》宋槧善本蓋無踰于此」，實爲的論。《古本集註》所依據者，古本、《音辯》外，則有河上公、王弼、李若愚、張君相、楊孚、傅奕、孫登、嚴遵、蘇轍、應吉父、司馬光、《淮南子》、揚雄、張玄靜、梁簡文帝、阮籍、馬誕、韓非、王嗣、郭雲、陳碧虛、阮咸、董遇、司馬談、陳韶、李奇、司馬遷、開元御註、梁王尚、張嗣，凡三十餘家。而於儒家之言，徵引甚多，《致虛極章第十六》、《道生一章第四十二》、《和大怨章第七十九》引周敦頤，《治大國章第六十》引張載，《以道佐人主章第三十章》引程頤，而《上德不德章第三十八》、《治人事天章第五十九》、《治大國章第六十》、《民不畏威章第七十二》、後序均引朱子之言，采取尤夥，蓋亦有志於溝合儒、道異同者。今據宋本點校，收入《文史要籍注釋選刊·老子卷》。

目錄

老子道德經古本集註上

道可道章第一		一
天下皆知章第二		五
不尚賢章第三		七
道沖章第四		八
天地不仁章第五		九
谷神不死章第六		一一
天長地久章第七		一二
上善若水章第八		一三
持而盈之章第九		一五
載營魄章第十		一六
三十幅章第十一		一八
五色章第十二		一九

寵辱章第十三		二〇
視之不見章第十四		二二
古之善爲士章第十五		二四
致虛極章第十六		二六
太上章第十七		二九
大道廢章第十八		三〇
絕聖弃知章第十九		三二
絕學无憂章第二十		三四
孔德之容章第二十一		三八
曲則全章第二十二		四〇
希言自然章第二十三		四二
跂者不立章第二十四		四四
有物混成章第二十五		四五
重爲輕根章第二十六		四七
善行章第二十七		四九

知其雄章第二十八		五一
將欲章第二十九		五三
以道佐人主章第三十		五四
夫佳兵章第三十一		五六
道常无名章第三十二		五七
知人者知章第三十三		五九
大道汜汜兮章第三十四		六〇
執大象章第三十五		六一
將欲翕之章第三十六		六二
道常无爲章第三十七		六五
老子道德經古本集註下		
上德不德章第三十八		六七
昔之得一章第三十九		七一
反者道之動章第四十		七三

上士聞道章第四十一		七四
道生一章第四十二		七六
天下之至柔章第四十三		七八
名與身孰親章第四十四		八〇
大成若缺章第四十五		八〇
天下有道章第四十六		八一
不出戶章第四十七		八三
爲學日益章第四十八		八三
聖人无常心章第四十九		八五
出生入死章第五十		八六
道生之章第五十一		八九
天下有始章第五十二		九一
使我介然章第五十三		九三
善建者不拔章第五十四		九五
含德之厚章第五十五		九六

知者不言章第五十六		九九
以正治國章第五十七		一〇〇
其政閱閔章第五十八		一〇二
治人事天章第五十九		一〇四
治大國章第六十		一〇六
大國者天下之下流章第六十一		一〇七
道者万物之奧章第六十二		一〇八
爲无爲章第六十三		一一〇
其安易持章第六十四		一一一
古之善爲道章第六十五		一一四
江海爲百谷王章第六十六		一一五
天下皆謂章第六十七		一一六
古之善爲士者不武章第六十八		一一八
用兵者有言章第六十九		一一九
吾言甚易知章第七十		一二〇

附錄

知不知章第七十一		一二二
民不畏威章第七十二		一二二
勇於敢章第七十三		一二四
民常不畏死章第七十四		一二六
民之飢章第七十五		一二八
人之生章第七十六		一二九
天之道章第七十七		一三〇
天下莫不柔弱於水章第七十八		一三一
和大怨章第七十九		一三三
小國寡民章第八十		一三四
信言不美章第八十一		一三五
傅增湘藏園羣書經眼錄卷十子部四		一三九

老子道德經古本集註上

前玉隆萬壽宮掌教南岳壽寧觀長講果山范應元集註直解

道可道章第一

常久之道，自然而然，万物得之以生而不知。老氏應運說經，垂世立教，始與標名，故以道可道章爲首。

道可道，非常道。

道者自然之理，万物之所由也。傅奕云：「大也，通也。」韓康伯云：「无不通也。」○可道者，謂可言也。常者，久也。道一而已，有體用焉，未有不得其體而知其用者也。必先體立，然後用有以行。老氏說經，先明其體。常者，言其體也。可道者，言其用也。體用一源，非有二道也。今夫仁義禮智，可言者也，皆道之用也。人徒知惻隱之心仁之端也，羞惡之心義之端也，辭讓之心禮之端也，是非之心智之端也，而不知其體之一，則是道也，分裂

四出，末流不勝其弊。夫惟先知其體之一，則日用常行，隨事著見，无有不當，皆自然之理也。如是則然後久而无弊矣。故凡道之可以言者，非常久自然之道也。夫常久自然之道，有而无形，无而有精，其大无外，故大无包，其小无内，故細无不入，无不通也。求之於吾心之初，則得之矣。人物莫不由此而生，聖賢莫不體此而立。然此道雖周行乎事物之際，相傳乎典籍之中，而其妙處，事物莫能雜，言辯莫能及，故人鮮造詣於是。老子應運垂教，不得已而發明之。既發明之，豈容離乎言哉？故首曰「道可道，非常道」，意欲使人知常久自然之道不在言辭，當反求諸己，而自得之於吾心之初也。蘇子由曰：「莫非道也，而可道者不可常，惟不可道而後可常尔。今夫仁義禮智，此道之可道者也。然而仁不可以爲義，禮不可以爲智，可道之不可常如此。惟不可道，然後在仁爲仁，在義爲義，在禮爲禮，在智爲智。彼皆不常，而道常不變，不可道之能常如此。」

名可名，非常名。

名者，猶人之有名也。凡名之可以名字者，皆其可道者，非常久自然之道也。且如万物生來未嘗有名，亦只是昔人與之着名以分別之尔。万物有形，固可以道、可以名，惟常久自然之道，爲万物之母而无形，故不可道、不可名也。蘇曰：「道不可道，而況得而名之乎？」

凡名，皆其可道者也。名既立，則方圓曲直之不同，不可常矣。」

无名天地之始，

天地之先，元有此道，渾淪未判，孰得而名？

有名万物之母。

渾淪既判，天地人物從此而生，聖人見是万物之母而无形，故强字之曰道，强爲之名曰大。因其无名，强爲之名，俾一切人假此有名，探其无名，以復其初也。

故常无，欲以觀其妙。

「常无」絕句。觀，去聲，諦視也。妙，微妙也。○常久自然之道，自古固存，然而无形无声，微妙難窮，故謂之常无，則欲要使人以觀其微妙也。惟人也，由此道而生，爲万物之最靈，誠能回光反視於吾身之中，悟一真體，雖至虚而物无不備，則道之微妙可得而觀矣。夫如是，乃知一理包乎万殊，凡物凡事不可違自然之理也。古本並河上公、王弼、李若愚、張君相「常无」上並有「故」字。《音辯》云：「常无、常有合作斷句。」

常有，欲以觀其徼。音叫。

「常有」絕句。觀，平聲。徼，循也，境也。河上公曰：「歸也。」○大道自然，化生万物，

在天則成日月星漢等之象，在地則成山川草木等之形，在人則成身體髮膚等之質，故謂之「常有」，則欲要使人以觀其境也。惟人也，中天地而立，爲三才之一，果能仰觀俯察於兩儀之內，悟万物形雖不同而理无不在，則道之境致可得而觀矣。夫如是，乃知万殊歸於一理，凡物凡事固當循自然之理也。

此兩者，同出而異名，同謂之玄。

兩者，常无與常有也。玄者，深遠而不可分別之義。蓋非无不能顯有，非有不能顯无，无與有同出而異名也。以道爲无，則万化由之而出；以道爲有，則无形无聲，常常不變，故曰常无常有也。「无有」之上俱着一「常」字，乃指其本，則有无不二，深遠難窮，故同謂之玄也。竊嘗謂有无固不足以論道，然自其微妙而言，不可不謂之常无；自其著見而言，不可不謂之常有。分而言之，妙是微，微是顯。合而言之，无與有同出而異名，妙、微皆一道也。此老氏所以兼有无、貫顯微、合同異而爲言也。人能如是觀之，則妙與微相通，物與我混融，表裏洞然，本无留礙，亦无差別也。

玄之又玄，衆妙之門。

常久自然之道，本不可以名言，今既强字之曰道矣，且自其微妙而謂之常无，又自其著見

而謂之常有，復自其本之有无不二，深遠難窮而同謂之玄，是皆不免乎言焉。玄之又玄，則猶云深之又深，遠之又遠，非无非有，非異非同，不知所以然而然，終不可得而名言分別之也。然万化由斯而出，各各具妙，故曰「衆妙之門」。老氏憫夫世人逐末忘本，寢失真源，不得已而應機垂訓，又恐人溺於言辭，弗能內觀，故復示人以深意，必使反求諸己，欲其自得之，而入衆妙之門，以復其初，又能體是而行，以輔万物之自然，而同歸于一也。唯人爲万物之最靈，誠能反觀，則是道也，湛然常存，夫何遠之有？此章直指此心之初，自然之理，使不惑於有无同異，得意忘言，昇玄極妙，乃人道之門、立德之基，實一經之總也。宜深味之。

天下皆知章第二

道常无爲，初无美惡。纔涉有爲，便有美惡。貴在无爲而成，不言而信，故次之以天下皆知章。

天下皆知美之爲美，斯惡已；天下皆知善之爲善，斯不善已。古本。

已音以，語助。○自古聖人體此道而行乎事物之間，其所以全美盡善而人不知爲美善者，

蓋事物莫不自然，各有當行之路，故聖人循其自然之理，行而中節，不自矜伐，以爲美善也。儻矜之以爲美，伐之以爲善，使天下皆知者，則必有惡與不善繼之也。

故有无之相生，難易之相成，長短之相傾，音聲之相和，前後之相隨。

此以證上文美與惡爲對，善與不善爲對。

是以聖人處无爲之事，行不言之教。

是以者，承上接下之義。聖人者，純於道者也，亦大而化之之稱。後皆倣此。○處无爲之事者，體道也。道常无爲而无不爲，聖人則虚心而應物也。行不言之教者，配天也。天何言哉？四時行焉，百物生焉。聖人則循理而利物，无有不當，斯「不言之教」也。

万物作焉，而不爲始。古本。

王弼、楊孚同古本。作者，動也。○蓋寂然不動，感而遂通者，道也。聖人體道而立，物感而後應，故不爲始也。

生而不有，爲而不恃，功成而不處。夫惟不處，是以不去。

傳奕云：「古本皆是『處』字。」○万物之生育運爲，皆由於道，而道未嘗以爲己有，亦未嘗自恃，至於功成而未嘗以自處。夫惟不以功自處，是以物不違也。聖人體道而立，故亦如

是，豈有惡與不善繼之哉？

不尚賢章第三

有美則有惡，有尚則有爭，不若使民無知無欲，故次之以不尚賢章。

不尚賢，使民不爭。平聲。

尚，好也。賢，能也，又《說文》「多才也」。爭，競也。○謂偏尚才能之人，則民必競習才能以爭功名，而不反求自然之道也。且小才小能，可用於人而不可用人。務才而不務德，非君子也。人君不偏尚小才小能之人，而民自不爭。河上公曰：「賢爲世俗之賢。不尚者，不貴之以祿，不尊之以位也。」

不貴難得之貨，使民不爲盜。

難得之貨，謂金玉之類，儻貴之，則民愛其物而患其无，以至爲盜。

不見可欲，使民心不亂。

欲，貪也。亂，紊也。音辯云：「古本皆有『民』字。」○不見有可貪之事物，則民心自然不紊亂矣。蘇曰：「見可欲，則民患於不得，而至於亂。」

是以聖人之治也，虛其心，實其腹，弱其志，強其骨。

治，理也，理身以理天下也。上无貴尚，則民不妄想，人欲去也，茲不亦虛其心乎？上懷道德，則民抱質朴，天理存也，茲不亦實其腹乎？上守柔和，則民化而相讓，氣不暴也，茲不亦弱其志乎？上无嗜欲，則民化而自壯，體常健也，茲不亦強其骨乎？能如是，則可使民无知无欲也。此四句有專就修養上解者，然前後文皆有正己化民之意。

常使民无知无欲，使夫知去聲者不敢爲也。

蓋民知貴尚，見可欲，則有爭有貪而爲亂，故常宜使之无妄知、无妄欲，而使夫智巧之人不敢妄爲也。

爲无爲，則无不爲矣。

「无不爲」，傅奕、孫登同古本。河上公作「无不治」，亦通。今存古本。○聖人无貴尚之迹，而不見可欲，循自然之理，以應事物，莫不有當行之路，則爲出於无爲也。爲出於无爲，則事无不成，物无不和，乃无不爲矣。

道冲章第四

能用道則无偏尚，故銳自挫，紛自解，光自和，塵自同，而无爭矣，故次之道冲章。

道沖，而用之又丕盈，淵兮似万物之宗。

沖，虛也，和也。淵者，深也。似者，道不可以指言也。○謂此道虛通，而用之又丕盈，以其无形也。然而淵深莫測，似万物之尊祖也。蘇曰：「夫道沖然至无耳，然以之適衆有，雖天地之大，山川之廣，无所不徧。以其无形，故似丕盈者，淵兮深眇，吾知其爲万物宗也。而不敢正言之，故曰『似万物之宗祖』也。」

挫其銳，解其紛，和其光，同其塵，湛兮似或存。

人能用道以挫情欲之銳，解事物之紛瑩，心鑑而不炫其明，混濁世而不汙其真，則道常湛兮，似乎或在也。

吾不知其誰之子，象帝之先。

老子言我不知道所從生，似在天帝之先也。蘇曰：「道雖常存，終莫得而名之，然亦不可謂无也，故曰此豈帝之先邪。帝先矣，而又先於帝，則莫或先之矣。」

天地不仁章第五

能用道則能守中，能守中則德合於天地矣，故次之以天地不仁章。